

TRANSPORTES

ÁREA DE TRANSPORTES E
PROXECTOS ESTATAIS E
EUROPEOS

CONCELLO
DE VIGO



ANUNCIO

CONVOCATORIA DO EXAME DE OBTENCIÓN DO PERMISO MUNICIPAL DE CONDUCCIÓN DE TAXIS

Ponse en coñecemento de todas as persoas interesadas en tomar parte nas probas para a obtención do PERMISO MUNICIPAL DE CONDUTOR DE TAXI, que deberán presentar a solicitude, xunto coa documentación esixida no artigo 25 da vixente Ordenanza municipal reguladora do servizo de taxi (BOP nº 48, de 11 de marzo de 2015) e que se relaciona seguidamente. O prazo para a presentación das citadas solicitudes comprende **dende o día seguinte ao da publicación deste anuncio e até o 14 de agosto de 2017, incluído**. A documentación requirida é a seguinte:

- ▣ *Pago das Taxas por dereito de exames.*
 - ▣ *Unha foto actualizada en cor (deberá entregarse sen ningunha marca de grampa).*
 - ▣ *fotocopia compulsada do DNI.*
 - ▣ *fotocopia compulsada do carné de conducir.*
 - ▣ *Certificado expedido polo Ministerio de Xustiza, que acredite a carencia de antecedentes penais. (**modelo 790**). (considérase caducado se pasaron máis de tres meses entre a súa data de expedición e a data do anuncio).*
 - ▣ ***Certificado ou Informe médico, expedido nos termos expresados no artigo 25 da Ordenanza Municipal de Taxi, e no que se estableza que non se padece enfermidade infecto-contaxiosa ou impedimento físico que imposibilite ou dificulte o normal exercizo da profesión (considérase caducado se pasaron máis de tres meses entre a súa data de expedición e a data do anuncio).***
- Os informes presentados que non indiquen o establecido no anterior parágrafo, non serán admitidos.*

O exame constará das seguintes partes:

- ▣ *Coñecemento da Ordenanza municipal reguladora do servizo de taxi (BOP nº 48, de 11 de marzo de 2015).*
- ▣ *Ubicacións de rúas e puntos de interese na cidade de Vigo.*
- ▣ *Itinerarios a seguir entre dúas ubicacións do termo municipal.*
- ▣ *Real decreto lexislativo 6/2015, de 30 de outubro, polo que se aproba o texto refundido da lei sobre tráfico, circulación de vehículos a motor e seguridade vial.*

As probas realizaranse o **DIA 15 DE SETEMBRO DE 2017**, na Casa do Concello ou na ubicación que se determine por esta Area. Os solicitantes comparecerán provistos de bolígrafo azul e carné de conducir.

Así mesmo, se o nº de aspirantes así o esixira, estableceríase outro día adicional para a realización do exame citado.

As listas nas que se indicará o lugar de realización da proba, o horario no que cada solicitante debe presentarse á mesma nos días establecidos, no seu caso, e demais circunstancias relacionadas, publicaranse no Taboleiro de Edictos e na web **hoxe.vigo.org** (no apartado '**CONVOCATORIAS E SUBVENCIONS**' da Sede Electrónica), nun prazo máximo de quince días, unha vez que finalice o prazo para a presentación de solicitudes.

CPG/omc

A CONCELLEIRA-DELEGADA DE AREA



Copia auténtica do orixinal - Concello de Vigo

Data impresión: 10/07/2017 13:06

Páxina 1 de 1

Expediente 1523/449

Código de verificación: 23EA4-E4EAC-8C4ED-DCD22

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>